

اتوار 31 مئی، 2020ء

مضمون۔ پرانی تے نویں جادوگری، عرفیت، تنویم، تے علم نو میات توں مکرنا

سنہری متن: یعقوب 4 باب 8 آیت

”رب دے کول جاؤ تے اوہ تہاڈے نیہ سڑے آوے گا۔“

جوابی پڑھائی: 1 پطرس 2 باب 1، 9، 2، 12، 15 آیتاں

- 1۔ ایس لئی ہر بدخواہی تے سارے فریب تے ریاکاری تے حسد تے ہر طراں دی بدگوئی نوں دور کر کے
- 2۔ نکے بال وانگر خالص روحانی ددھ دے مشتاق رہو و تاں جو اوہدے راہیں مکتی حاصل کرن لئی ودھ دے جاؤ۔
- 9۔ پر تسی ہر اک برگزیدہ پیڑی۔ شاہی کاہناں دفرقہ۔ پاک قوم تے اجیہی امت او جیہڑی رب دی خاص ملکیت اے تاں جو اوہدیاں خصلتاں بیان کرو جنہں تہانوں ہنیرے وچوں اپنی عجیب لو وچ بلا یا۔
- 10۔ پہلاں تسی کوئی امت نسئیں سی پر ہن تسی رب دی امت او۔

- 11- اے پیارو! میں تہاڈی منت کرداواں پئی تسی اپنے آپ نوں پر دیسی تے مسافر جان کے اوہناں بدنی خواہشاں توں پرہیز کرو جیہڑیاں روح نال لڑائی رکھدیاں نیں۔
- 12- تے غیر قوماں وچ اپنا چال چلن نیک رکھو تاں جو جنماں گلاں وچ اوہ تہانوں بدکار جان کے تہاڈی بد گوئی کردے نیں تہاڈے نیک کماں نوں ویکھ کے اوہناں دے پاروں ای ملاحظہ دے دن رب دی وڈیائی کرن۔
- 15- کیوں جے رب دی ایہہ مرضی اے پئی تسی نیکی کر کے بیوقوف بندیاں دیاں جہالت والیاں گلاں نوں بند کردیو۔

درسی وعظ

بائبل وچوں

1- خروج 20 باب 1 توں 3 آیتاں

- 1- تے رب نے ایہہ ساریاں گلاں اوہناں نوں دسیاں۔
- 2- خداوند تیرا رب جیہڑا تینوں ملک مصر توں غلامی دے گھر وچوں کڈھ لیا یا میں واں۔
- 3- میرے حضور توں غیر معبوداں نوں نہ منیں۔

2- 1 سیموئیل 28 باب 3 توں 8، 11، 12 (توں:)، 14 (تے ساؤل) توں 20 (توں:) آیتاں

3- تے سیموئیل مرگیا سی تے سارے اسرائیلیاں نے اوہدے اُتے نوحہ کر کے اوہنوں اوہدے شہر رامہ وچ دفن کیتا سی تے ساؤل نے جناں دے آشناواں تے افسون گراں نوں ملک توں کڈھ دتا سی۔

4- تے فلسستی جمع ہوئے تے آکے شو نیم وچ ڈیرے لائے تے ساؤل نے وی سارے اسرائیلیاں نوں جمع کیتا تے اوہ جلوہ وچ خیمہ زن ہوئے۔

5- تے جدوں ساؤل نے فلسستیاں دا جتھا ویکھیا تے پریشان ہو گیا تے اوہدا دل بوہت کنبن لگیا۔

6- تے جدوں ساؤل نے خداوند نوں سوال کیتا تے خداوند نے نہ تے اوہنوں سفنیاں تے نہ اوریم تے نہ نبیاں دے پاروں کوئی جواب دتا۔

7- فیر ساؤل نے اپنے ملازماں نوں آکھیا کوئی اجیہی عورت میرے لئی لبھو جیدا آشنا جن ہووے تاں جو میں اوہدے کول جا کے اوہنوں بچھاں۔ اوہدے غلاماں نے اوہنوں آکھیا ویکھ عین دور وچ اک عورت اے جیدا آشنا جن اے۔

8- ایس لئی ساؤل نے اپنا بھیس بدل کے دو جے کپڑے پائے تے دو بندیاں نوں نال لے کے گیا تے اوہ رات نوں اوس عورت دے کول آئے تے اوہنے آکھیا ڈرا میری خاطر جن دے راہیں میرا فال کھول تے جیداناں میں تینوں دساں اوہنوں اُتے سد دے۔

11- فیر اوس عورت نے آکھیا میں کنہوں تیرے لئی اُتے سداں؟ اوہنے آکھیا سیموئیل نوں میرے لئی سد دے۔

- 12- جدوں اوس عورت نے سیموئیل نوں ویکھیا تے اُچی آواز نال چلائی۔
- 14- فیر اوہنے اوہنوں آکھیا اوہدی شکل کینج دی اے؟ اوہنے آکھیا اک بڈھا تے آرہیا اے تے اوہنے جُبہ پائیا ہوئی اے۔ فیر ساؤل جان گیا پئی اوہ سیموئیل اے تے اوہنے منہ بھرنے ڈُگ کے سجدہ کیتا۔
- 15- سیموئیل نے ساؤل نوں آکھیا تُوں مینوں کیوں بے چین کیتا پئی مینوں اُتے سدا یا؟ ساؤل نے جواب دتا میں بوہت پریشان واں کیوں جے فلسستی میرے نال لڑدے نیں تے خداوند تیتھوں وکھ ہو گیا اے تے نہ تے اوہ نبیاں تے نہ سفنیاں دے پاروں مینوں جواب دیندا اے ایس لئی میں تینوں سدا پئی تُوں مینوں دسیں پئی میں کیہ کراں۔
- 16- سیموئیل نے آکھیا تُوں میرے کولوں کیوں بچھدا ایس جیس حال پئی خداوند تیتھوں وکھ ہو گیا تے تیرا ویری بنیا؟
- 17- تے خداوند نے جیویں میری معرفت آکھیا سی اونج ای کیتا اے۔ خداوند نے تیرے ہتھ توں سلطنت چاک کر لئی تے تیرے گوانڈی داؤدونوں عنایت کیتی اے۔
- 18- ایس لئی تُوں خداوند دی گل نئیں منی تے عمالقیان نال ایسناں شدید قہر نال پیش نئیں آیا ایسے پاروں خداوند نے آج دے دن تیرے نال اجیہا سلوک کیتا۔
- 19- ایہدے علاوہ پئی خداوند تیرے نال اسرائیلیاں نوں وی فلستیاں دے ہتھ وچ کر دیوے گاتے کل تُوں تے تیرے پتر میرے نال ہون گے تے خداوند اسرائیلی جتھے نوں وی فلستیاں دے ہتھ وچ کر دیوے گا۔
- 20- فیر ساؤل اوسے ویلے دھرتی اُتے لہا ہو کے ڈُگیا تے سیموئیل دیاں گلاں توں بوہت ڈر گیا۔

3- یسعیاہ 8 باب 19 (توں پہلا؟) آیت

19- تے جدوں اوہ تینوں آکھن پئی توں جناں دے یار تے افسون گراں نوں جیہڑے پھسپھساؤندے تے
گڑ گڑاؤندے نیں لکھ تے توں آکھیں کیہ لوکاں نوں مناسب نئیں پئی اپنے رب دے طالب ہوون؟

4- خروج 20 باب 5 (کیوں جے)، 6 آیتاں

5-۔۔۔ کیوں جے میں خداوند تیرا رب غیرت والا رب واں تے جیہڑے میرے نال عداوت رکھدے نیں
اوہناں دی اولاد نوں تہی تے چوتھی پیڑی تیکر پیو دادے دی بدکاری دی سزاء دینا واں۔
6- تے ہزاراں اُتے جیہڑے میرے نال محبت رکھدے نیں تے میرے حکماں نوں من دے نیں رحم کرداں
واں۔

5- متی 24 باب 1، 2 (توں پہلاں،)، 4، (لو) توں 7، 10، 14 (توں؛) آیتاں

1- تے یسوع ہیکل توں نکل کے جا رہیا سی تے اوہدے چیلے اوہدے کول آئے تاں جو اوہنوں ہیکل دیاں
عمارتاں دکھاوے۔

2- یسوع نے جواب وچ اوہناں نوں آکھیا

4- خبردار! کوئی تہانوں گمراہ نہ کر دیوے۔

5- کیوں جے بہتیرے میرے نال توں آؤن گے تے آکھن گے میں مسیح واں تے بوہت سارے لوکاں نوں
گمراہ کرن گے۔

6- تے تسی لڑائی تے لڑائی دیاں خبراں سنو گے۔ خبردار! گھبرانہ جائیو! کیوں جے ایہناں گلاں دا واقع ہونا
ضرور اے پر اوس ویلے خاتمہ نہ ہووے گا۔

7- کیوں جے قوم اُتے قوم تے سلطنت اُتے سلطنت چڑھائی کرے گی تے تھان تھان تے کال پین گے تے
پچال آؤن گے۔

10- تے اوس ویلے بہتیرے ٹھوکر کھان گے تے اک دو جے نوں پھڑوان گے تے اک دو جے نال ویر رکھن
گے۔

11- تے بوہت سارے جھوٹے نبی اٹھ کھلون گے تے بہتیریاں نوں گمراہ کرن گے۔

12- تے بے دینی دے ودھن نال بہتیریاں دی محبت ٹھنڈی پے جاوے گی۔

13- پر جیہڑا اخیر تیکر برداشت کرے گا اوہ ملکتی پاوے گا۔

14- تے بادشاہی دی ایس خوشخبری دی منادی سارے جگ وچ ہووے گی تاں جو ساریاں توماں لئی گواہی
ہووے۔

6- 2 تھیلیں کیوں 2 باب 1 توں 3 (توں دو جا) آیتاں

1- اے بھراو! اسی اپنے خداوند یسوع مسیح دے آؤن تے اوہدے کول اپنے جمع ہون دے پاروں تہانوں
درخواست کر دے آں۔

2- پئی کسے روح یا کلام یا خط توں جیہڑا گویا ساڈے ولوں ہووے ایہہ سمجھ کے پئی خداوند دادن اپڑ گیا اے تہاڈی
سیان دفعتاً پریشان نہ ہو جاوے تے نہ تسی گھبراؤ۔

3- کسے طراں وی کسے دے فریب وچ نہ آئیو کیوں جے اوہ دن نہیں آوے گا جدوں تیکر پئی پہلاں بر گشتگی نہ
ہووے۔

7- 2 تمیتھیس 3 باب 1 توں 5، 14 توں 17 آیتاں

1- پراہیہ جان لے پئی اخیر زمانے وچ بھیسڑے دن آؤن گے۔

2- کیوں جے بندہ خود غرض۔ زرد دوست۔ شیخی باز۔ مغرور۔ بدگو۔ ماں پودے نافرمان۔ ناشکر۔ ناپاک۔

3- طبعی محبت توں خالی۔ سنگدل۔ تہمت لاؤن والے۔ بے ضبط۔ تند مزاج۔ نیکی دے ویری۔

4- دغا باز۔ ڈھیٹھ۔ گھمنڈ کرن والے۔ رب دی نسبت عیش و عشرت نوں بوہتا دوست رکھن والے ہوون
گے۔

5- اوہ دینداری دی وضع تے رکھن گے پراوہدے اثر نوں قبول نہیں کرن گے۔ اجیہیاں توں وی کنارہ کریو۔

سائنس تے صحت

1- 11-9:102

لمتھے روح دی اک اصلی دکشی اے۔ سوئی دے سرے توں موٹے حصے تیکر رب یعنی الہی سیان دی سب نوں
لوپٹن والی طاقت یاد دکشی ول اشارہ کردی اے۔

2- 15-11:213

چنگیائی ول ہرودھ دا ہونیا قدم مادیت پرستی توں وکھ ہونا ایں، تے ایہہ رب، روح ول اک رجحان اے۔ مادی
نظریے جزوی طور تے تننا ہی، عارضی تے مخالف دی اک آلٹ دکشی دے پاروں لا متناہی تے ابدی ول ایس
دکشی نوں مفلوج کر دیندے نیں۔

3- 29-11:536

جے انسان نوں گلے پیو، جیدے وچ اسی ”جیونے تے تڑدے پھر دے تے موجود ہننے آں،“ اوہدے ول اپنی کشش تے دلکشی گوا دینی چاہیدی اے، تے جے انسان اُتے الہی اصول دی بجائے جسمانییت دی حکمرانی، روح دی بجائے بدن دی حکمرانی ہونی چاہیدی اے، تے انسان فنا ہو جاوے گا۔ روح دی بجائے بدن دے پاروں خلق ہندیاں ہوئے، رب دی بجائے مادے توں شروع ہندیاں ہوئے، فانی انسان اُتے اپنے آپ دی حکمرانی ہووے گی۔ آنھے نوں آنھاراہ دکھاوے تے دونویں ڈگن گے۔

جذبے تے پکھ پیرا تے ختم ہونے چاہیدے نیں۔ اوہ ”تھوڑے دناں دے نیں تے ڈکھ نال بھرے نیں۔“ اوہناں دیاں فرضی خوشیاں دھوکہ نیں۔ اوہناں دی تنگ نظری اوہناں دیاں خوشیاں دی بے حرمتی کردی اے تے اوہناں دی کامیابیاں وچ کنڈیاں دی رکاوٹ پاؤندی اے۔

فانی سیان حیاتی تے خوشی دے غلط تے مادی نظریے نوں قبول کردی اے، پراصلی خیال لافانی سمت توں حاصل کیتا جاندا اے۔ سخت محنت، کوشش تے ڈکھ دے پاروں بزرگ کیہ حاصل کردے نیں؟ اوہ اپنے عقیدے نوں قابلِ تسخیر حیاتی تے خوشی دی نظر کردیندے نیں؛ فانی تے مادی راکھ وچ مڑ جاندا اے، تے لافانی ای رسائی پاؤندا اے۔

4- 25-16:183

فرضی قانون جنساں دا نتیجہ مایوسی تے بیماری نکلدا اے اوہدے قانون نئیں، کیوں جے سچائی دا کلا جائز تے ممکن عمل ہم آہنگی دی ای پیداوار اے۔ فطرت دے قانون روح دے قانون نئیں۔ الہی سیان جائز طور تے انسان دی پوری فرمانبرداری، پیارتے طاقت دی مانگ کردی اے۔ ایہدے توں گھٹ وفاداری لئی کوئی تحفظ نئیں رکھے جاندا۔ سچائی دی تابعداری انسان نوں طاقت تے قوت عطا کردی اے۔ غلطی نوں حواگی طاقت دا گھانا پین نوں ودھا دیندی اے۔

5- 10-9:537

برائی دی پہچان الوہیت یا انسانیت دا جوہر کدی نئیں سی۔

6- 31-30:102

انسانیت نوں ایہہ سکھنا چاہیدا اے پئی بدی کوئی طاقت نئیں اے۔ ایہدی ناں دی ای جبری حکومت عدم دے علاوہ کجھ نئیں۔

7- 2-29-24-18:103

جیویں پئی کر سچن سائنس وچ ناں دتا گیا اے، جانوراں دی مقناطیسیت یا نومیات دا علم غلطی یا فانی سیان لئی خاص لفظ نہیں۔ ایہ اک جھوٹا عقیدہ اے پئی سیان مادے وچ اے تے ایہہ پئی ایہہ چنگلیائی تے بریائی دونویں نہیں، پئی بریائی چنگلیائی جنسی اصلی تے بوہتی طاقت والی اے۔ ایس عقیدے وچ سچیاں دی اک وی خاصیت نہیں اے۔ ایہہ یاتے لا علم اے یا سڑدی اے۔ نومیات دی سڑن والی شکل اخلاقی بریائی اُتے نیوں رکھدی اے۔

اصلیت وچ کوئی فانی سیان نہیں اے، تے نتیجے دے طور تے فانی خیال تے قوت ارادی دی منتقلی نہیں اے۔ حیاتی تے ہستی رب نہیں۔ کر سچن سائنس وچ، انسان کوئی نقصان نہیں دے سکدا، کیوں جے سائنسی خیال اصلی خیال نہیں، جیہڑے رب توں انسان وچ منتقل ہندے نہیں۔

8- 18-13:104

کر سچن سائنس ذہنی عمل دے پیندے تیکر جاندی اے، تے اثباتِ عدل الہی نوں ظاہر کردی اے جیہڑی پورے عمل دی درستگی ول اشارہ کردی اے، جیویں پئی الہی سیان دا اجر تے نتیجہ مخالف نام نہاد عمل دی غلطی ہندا اے، بریائی، سحر پرستی، جادوگری، تنویم، حیوانی مقناطیسیت، نومیات دا علم۔

9- 9:72 (جیویں)۔ 12، 21-32

جیویں لو، ہنیرے نوں برباد کر دیندی اے تے ہنیرے دی تھاں ہر پاسے لو ہو جاندی اے، ایسے طراں (مطلق
سائنس وچ) روح، یارب انسان نوں سچائی دین والا اے۔

رب دی ہستی، چنگیائی، ہمیشہ توں موجود اے، ایہہ الہی منطق وچ مَن دی اے پئی بریائی، چنگیائی دی فرضی
مخالف، کدی موجود نہیں اے۔ سائنس وچ، رب، لامتناہی، حاکم کل توں اخذ شدہ انفرادی چنگیائی، انسان
وَلوں وگھ سکدی اے، پر بریائی ترسیل پذیر اے نہ سائنسی۔ اک پاپی، دھرتی تے رہن والا انسان حیاتی دی
اصلیت نہیں تے نہ ای اوہ وسیلہ اے جیدے پاروں سچائی دھرتی تے اُپڑدی اے۔ جدوں بریائی تے ڈکھ
ترسیل پذیر ہندے نیں تے مباشرت دی تسکین پاپ داندق بن جاندی اے۔ الہی قانون نہیں بلکہ ذاتی عمل
اشتراک انسانیت تے دھرتی لئی سچائی، صحت تے ہم آہنگی دار ابطہ کار اے۔

10- 14-8:73

ایہہ عقیدہ پئی اک بندہ، روح دے طور تے، دو جے بندے نوں، مادے دے طور تے، قابو وچ کر سکدا
اے، انسان دی سائنس تے انفرادیت دونوں نوں پریشان کر سکدا اے، کیوں جے انسان شبیہ اے۔ رب
انسان اُتے اختیار رکھدا اے تے رب کُلّی روح اے نام نہاد روح دا کوئی ہو اختیار یا کشش اک فانی عقیدہ
اے، جنہوں اوہدے پھل دے پاروں، بریائی دی تکرار توں پچھانا چاہیدا اے۔

11- 32-29:74

کر سچن سائنس وچ پیچھے ہٹن والا کوئی قدم نہیں اے، آگے نکلن والی حالت توں کوئی واپسی نہیں اے۔ نام نہاد
مردہ یا جیوندے اک دو جے نال شراکت نہیں رکھ سکدے، کیوں جے اوہ وجودیت یا شعور دی وکھری وکھری
حالت وچ ہندے نیں۔

12- 9-31:82

طاقت دی وڈھی ترقی ول تیزی نال ودھدے ہوئے پاپ تے عیاشی دے جگ وچ ایس گل اُتے دھیان نال
غور کرنا عقلمندی اے پئی آیا متاثر کرن والی سیان انسانی اے یا الہی۔ جیہڑے کم یہواہ دے نبیاں نے کیتے اوہ
بعل دے پرستار کرن وچ ناکام رئے، ایس لئی ہوشیاری تے فریب نظری نے ایہہ دعویٰ کیتا پئی اوہ حکمت
دے کماں دے برابر کر سکدے سی۔

سائنس صرف یقین نہ کرن والے چنگائی تے بدی دے عناصر نوں واضح کر سکدی اے جیہڑے سامنے آئے
نیں۔ ایہناں بعد دے دنوں توں بچن لئی انساناں نوں سچائی وچ پناہ لینا چاہی اے۔

13- 12:96-15، 21-23

ہن ایہہ مادی جگ وی متضادم طاقتاں دا اکھاڑا بن رہیا اے۔ اک پاسے تے ایہتھے مخالفت تے مایوسی ہووے گی؛ جد کہ دوجے پاسے ایہتھے سائنس تے امن ہووے گا۔

انسانی غلطی اک اخلاقی کیمیائی عمل وچ غائب ہو جاوے گی۔ ایہہ ذہنی ابال شروع ہو چکیا اے، تے ایہہ اوہدوں تیکر جاری رہوے گا جدوں تیکر ایمان دیاں ساریاں غلطیاں فہم نوں قبول نہ کر لین۔

14- 25-5:97

اصلیت وچ، جنسی بوہتی قربت دے نال غلطی سچائی دی نقل کردی اے تے نام نہاد ماد ایہدے جوہر، فانی سیان، نال بوہت مشابہت رکھدا اے اوہنی ای کمزور غلطی اک عقیدے دے طور تے سامنے آؤندی اے۔ انسانی عقیدے دے مطابق، لوشدید تے برقی کرنٹ دی تیزی اے فیروی کر سچن سائنس وچ اک دی اٹران تے دوجے دی نمود بے ضرر بنے گی۔ جنہاں بوہتا ماد اتباہ کن بن دا اے، اوہناں ایہدے اعدم ظاہر ہووے گا، جدوں تیکر پئی ماد افریب نظری وچ ایہدے زوال تیکر نئیں اپڑدا تے ہمیشہ لئی غائب نئیں ہو جاندا۔ اوس حد دے بغیر جتھے، الہی محبت دے پاروں برباد ہندیاں ہوئے، اک جھوٹا عقیدہ اک فریب نظری ہونا ترک کر دیاں ہوئے، جنہاں سچائی دے نیسٹے ہندا جاندا اے، اوہناں ای ایہہ بربادی لئی پکا ہندا جاندا اے۔ جنہاں بوہتا عقیدہ مادی ہووے گا، اوہنی ای واضح ایہدی غلطی ہووے گی، جدوں تیکر پئی الہی روح، اپنی سلطنت وچ اعلیٰ ترین، سارے مادے اُتے غالب نئیں آؤندی، تے انسانی روح دی شبیہ، اپنی اصل ہستی، وچ نئیں پائی جاندی۔

وسیع حقیقتاں اپنے آپ دے خلاف وڈھیاں غلطیاں ترتیب دیندیاں نیں، کیوں جے اوہ خفیہ طور تے غلطی
نوں لیاؤندیاں نیں۔ سچ بولن لئی ہمت دی لوڑ ہندی اے؛ کیوں جے سچائی جنسی بوہتی اپنی آواز اُچی کر دی
اے، غلطی دی چچ اوہنی ای اُچی ہووے گی، جد تیکر پئی فراموشی وچ ایہدی غیر واضح آواز نوں ہمیشہ لئی
خاموش نہ کردتا جاوے۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار
نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری بیکرا ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔
سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سچی پراہ بندی،
خیرات پسندی تے معافی نال پیار دیاں مٹھیاں سچیاں داپر چھانواں بن دااے۔ ایس چرچ دے سارے رکنوں نوں
سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین
توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔